



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH – prečišćeni tekst (Službeni glasnik Brčko distrikta BiH, broj 54/18), razmatrajući Izvještaj Zakonodavne komisije po Zaključku Skupštine, broj: 01.3-05-224/19 od 4. 3. 2019. godine, Skupština Brčko distrikta BiH na I. nastavku 43. redovne sjednice održanom 15. marta 2019. godine, donosi

ZAKLJUČAK

1. Skupština Brčko distrikta BiH usvaja Izvještaj Zakonodavne komisije, broj: 01.3-05-224/19 od 4. 3. 2019. godine, koji je sastavni dio ovog zaključka.
2. Naknade članova upravnih odbora mogu iznositi najviše do iznosa prosječne plate isplaćene u Brčko distriktu BiH za prethodnu godinu, a naknade članova nadzornih odbora mogu iznositi najviše do 70 % iznosa prosječne plate isplaćene u Brčko distriktu BiH za prethodnu godinu.
3. Članovi upravnih i nadzornih odbora ne mogu imati manje kvalifikacije i radno iskustvo od menadžmenta koji oni biraju.
4. Članovi upravnih odbora ne mogu biti birani u institucijama u kojima su u radnom odnosu.
5. Upravni i nadzorni odbori najmanje dva puta godišnje izvještavaju osnivača o svom radu.
6. Godišnji poslovni planovi javnih preduzeća, ustanova, zavoda i fondova moraju biti upućeni osnivaču na usvajanje najkasnije do konca prvog kvartala kalendarske godine za koji se plan usvaja.
7. Potrebno je tražiti saglasnost osnivača na bilo kakve izmjene i dopune akata koje je osnivač donio ili prethodno dao saglasnot.
8. Svi pravilnici, njihove izmjene i dopune koji regulišu plate, naknade, minuli rad, topli obrok, dnevnice i druga primanja isključivo se donose uz saglasnost osnivača.
9. Zadužuju se upravni odbori i menadžmenti javnih preduzeća, ustanova i fondova da u roku od šezdeset (60) dana izvrše usklađivanje svojih akata u skladu sa Izvještajem i ovim zaključkom.
10. Zadužuje se Vlada Brčko distrikta BiH i nadležne skupštinske komisije da u roku od devedeset (90) dana pripreme i predlože Skupštini Brčko distrikta BiH izmjenu zakonskih propisa i osnivačkih akata identificiranih u Izvještaju Zakonodavne komisije.
11. Ovaj zaključak stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-559/19
Brčko, 15. 3. 2019. godine

PREDSJEDNIK
SKUPŠTINE BRČKO DISTRIKTA BiH
Esed Kadrić

Dostavljeno:

1. Predsjedniku
2. Dopredsjedniku
3. Gradonačelniku
4. Zakonodavnoj komisiji
5. Nadležnim skupštinskim komisijama
6. Fondu zdravstvenog osiguranja
7. Zavodu za zapošljavanje Brčko distrikta BiH
8. Razvojno-garantnom Fondu Brčko distrikta BiH
9. JP „Luka Brčko“
10. JP „Komunalno Brčko“
11. JP „Radio Brčko“
12. JP „Putevi Brčko“
13. JZU „Zdravstveni centar Brčko“
14. Sektoru za koordinaciju politika i opće poslove
15. Arhivi